



KOMISIJA ZA RAČUNOVODSTVO I REVIZIJU  
BOSNE I HERCEGOVINE

ISPIT ZA STJECANJE PROFESIONALNOG ZVANJA  
**CERTIFICIRANI RAČUNOVOĐA**  
(ISPITNI TERMIN: NOVEMBAR/STUDENI 2025. GODINE)

PREDMET 8:  
**REVIZIJA I SISTEMI INTERNE KONTROLE**

**I – TEST PITANJA**

- 1. Neučinkovitost razgraničenja dužnosti u sektoru sredstava u banci ukazuje na postojanje**
  - a) inherentnog rizika
  - b) kontrolnog rizika
  - c) rizika detekcije
  - d) revizijskog rizika
  
- 2. Revizija računovodstvenih procjena podrazumijeva:**
  - a) pregled i provjera procesa koje je koristila uprava
  - b) uspoređivanje procjena iz prethodnih perioda sa tekućim periodom
  - c) korištenje nezavisne procjene radi uspoređivanja sa procjenom koju je izvršila uprava
  - d) provjeru obračuna koje je za potrebe računovodstvenih procjena izvršio prethodni revizor
  
- 3. Mišljenje revizora o finansijskim izvještajima da su finansijski izvještaji pripremljeni uz korištenje prihvatljivih računovodstvenih politika, koje su dosljedno primjenjivane, kao i da su finansijski izvještaji usklađeni sa relevantnim propisima i zakonima naziva se:**
  - a) pozitivno mišljenje
  - b) negativno mišljenje
  - c) suzdržavanje od davanja mišljenja
  - d) mišljenje s rezervom
  
- 4. Osnovni zahtjevi MSR 220 – Kontrola kvaliteta revizije finansijskih izvještaja, koje treba da osigura partner angažovanja, odnose se na:**
  - a) relevantne etičke zahtjeve, prije svega nezavisnost, koji su obavezni za sve članove revizorskog tima
  - b) izvještaje revizije koji nisu primjereni okolnostima
  - c) prihvatanje i nastavak saradnje sa klijentom u skladu sa profesionalnim standardima, regulatornim i zakonskim zahtjevima
  - d) nadzor koji treba da bude osmišljen i proveden na način da pruži uvjeravanje u razumnoj mjeri da su politike i procedure koje se odnose na sistem kontrole kvaliteta relevantne

- 5. Zaokružite svaku tačnu tvrdnju koja se odnosi na utvrđivanje i ugovaranje naknada revizora prema MSR 210 – *Dogovaranje uslova revizorskog angažovanja!***
- a) Profesionalne usluge treba da se nude ili pružaju klijentu uz potencijalnu ili uslovljenu naknadu.
  - b) Potencijalna ili uslovljena naknada je naknada za profesionalne usluge koja je uslovljena, odnosno zavisi od nalaza ili rezultata tih usluga.
  - c) Revizor treba da primi samo svoju zaradu utvrđenu na strogo određeni način.
  - d) Revizor treba da prihvati proviziju za preporučivanje nećijih proizvoda i usluga.
- 6. Prema MSR 230 – *Revizijska dokumentacija*, Pismom kojim se traže informacije i dokumenta od advokata klijenta, treba da se zahtijevaju dokazi uprave i pravnika o:**
- a) postojanju uslova ili okolnosti koji ukazuju na mogućnost gubitka zbog parnice, potraživanja ili procjena
  - b) vjerovatnoći nepovoljnog ishoda
  - c) iznosu potencijalnog gubitka, uključujući i sudske sporove
  - d) završenim sudskim sporovima u proteklm godinama
- 7. Prema MSR 706 – *Pasus kojim se skreće pažnja i pasus u vezi sa ostalim pitanjima revizije u izvještaju nezavisnog revizora, situacije u kojima je neophodno da revizor uključi pasus kojim se skreće pažnja se odnose na:***
- a) neizvjesnost u vezi sa budućim ishodom sudskog spora
  - b) veliku katastrofu koja je imala, i nastavlja da ima, značajan uticaj na finansijski položaj entiteta
  - c) kada je spriječen od strane klijenta da prikupi dovoljno dokaza
  - d) kada ne prisustvuje popisu zaliha.
- 8. Prema MSR 570 – *Načelo stalnosti poslovanja, finansijski uslovi i indikacije moguće neodrživosti pretpostavke o stalnosti poslovanja pravnog lica su:***
- a) teškoće u ispunjavanju uslova iz ugovora o kreditima
  - b) povoljni ključni finansijski pokazatelji
  - c) kašnjenje ili prestanak isplata dividendi
  - d) značajni gubici iz poslovanja
- 9. Prema MSR 700 – *Formiranje mišljenja i izvještavanje o finansijskim izvještajima, u pasusu Mišljenje revizora, revizor treba/mora da:***
- a) identifikuje i navede finansijske izvještaje entiteta koji su bili predmet revizije
  - b) pozove se na napomene uključujući sažet prikaz značajnih računovodstvenih politika
  - c) navede da je revizija izvršena u skladu sa Međunarodnim standardima revizije
  - d) navede odgovornost rukovodstva za finansijske izvještaje
- 10. Revizija je sistematski proces zbog sljedećih razloga:**
- a) svaka revizija treba biti planirana i imati formulisanu strategiju
  - b) izvodi se po strogo formalnom sistemu
  - c) propisana je zakonom i standardima
  - d) zasniva se na filozofiji i metodu istraživačkog rada

- 11. S kojim specifičnim revizijskim ciljem je povezana situacija da je revizor utvrdio da postoji faktura dobavljača koja je proknjižena nakon datuma bilance stanja iako se transakcija dogodila u toku poslovne godine?**
- a) vremensko razgraničenje
  - b) vlasništvo
  - c) vrednovanje
  - d) prezentacija i objavljivanje
- 12. Činjenica da profesionalni računovoda ima financijski interes ili je korisnik zajma ili garancije koju mu je dala poslovna organizacija predstavlja:**
- a) prijetnju temeljem osobnih interesa
  - b) prijetnju temeljem zbliženosti
  - c) prijetnju temeljem zastrašivanja
  - d) prijetnju temeljem zagovaranja
- 13. Što od navedenog najbolje opisuje cilj eksterne revizije?**
- a) pomaganje upravi u donošenju odluka (stvaranje dodane vrijednosti)
  - b) izražavanje mišljenja o realnosti i objektivnosti financijskih izvještaja
  - c) postupak ispitivanja financijskih transakcija koje predstavljaju državne prihode i rashode u smislu zakonskog korištenja sredstava
- 14. Izjave menadžmenta koje ukazuju na to jesu li pojedine stavke u financijskim izvještajima na odgovarajući način klasificirane, opisane i prezentirane predstavljaju skupinu izjava o:**
- a) potpunosti
  - b) postojanju
  - c) pravima i obvezama
  - d) objavljivanju
- 15. Cilj revizora da mora utvrditi jesu li poslovni događaji koji su prikazani na računima proknjiženi u odgovarajućem razdoblju predstavlja:**
- a) opći revizijski cilj postojanosti
  - b) opći revizijski cilj potpunosti
  - c) opći revizijski cilj usklađenosti
  - d) opći revizijski cilj cutoff
- 16. Odabir strategije niže procjene kontrolnog rizik ukazuje na činjenicu:**
- a) Revizor se odlučio osloniti na sustav internih kontrola.
  - b) Interne kontrole koje se odnose na pojedine komponente financijskih izvještaja ne postoje ili nisu djelotvorne.
  - c) Revizor planira manji opseg dokaznih postupaka.

**17. Koje vrste informacija revizor uključuje u stalni registar:**

- a) program revizije
- b) popis
- c) informacije o sistemu internih kontrola
- d) izvod sa suda (registracija)

**18. Neovisnost revizora se smatra ugroženom u sljedećim okolnostima:**

- a) Honorar od revizije konkretnog klijenta predstavlja veliki dio ukupnih prihoda revizorske firme.
- b) Član revizorskog tima ima korist od revizije koja nije vezana za ugovor o reviziji.
- c) Član revizorskog tima je bio zaposlen kod klijenta prethodne godine.
- d) Bilo koji član revizijske firme je u srodstvu sa bilo kojim zaposlenim klijenta.

**19. Koji od navedenih postupaka je inspekcija:**

- a) preračun obaveze za PDV
- b) slanje konfirmacije dobavljačima radi potvrde salda
- c) pregled izvoda otvorenih stavki radi provjere jesu li su salda potvrđena od strane kupaca
- d) prisustvovanje inventuri

**20. Za provjeru revizijskog cilja provjere da li je poduzeće točno procijenilo obveze prema dobavljačima najprikladnija revizijska tehnika (postupak) je:**

- a) traženje neproknjiženih obveza
- b) konfirmacija obveza prema dobavljačima
- c) usporedba izabranih iznosa s popisa obveza prema dobavljačima s odobrenjima za plaćanje i drugom popratnom dokumentacijom
- d) ništa od prethodno navedenog

## II – ZADACI / ESEJI

### Zadatak / Esej broj 1

U ovom zadatku je potrebno detaljno objasniti događaje nakon datuma bilansa stanja kako slijedi:

- a) Šta su „naknadni događaji, odnosno događaji nakon datuma bilansa stanja“ prema MRS-u 10 i kako se naknadni događaji grupišu! (10 bodova)
  - b) Objasnite činjenice otkrivene nakon datuma izvještaja revizora, ali prije datuma izdavanja finansijskih izvještaja! (10 bodova)
  - c) Prema MSR 560 – *Naknadni događaji*, objasnite aktivnosti revizora u situacijama da klijent revizije koriguje i ne koriguje finansijske izvještaje! (10 bodova)
- 

### Zadatak / Esej broj 2

- a) Navedite i ukratko pojasnite osnovne kategorije prijetnji s kojima se susreću profesionalni računovođe u javnoj praksi, odnosno profesionalni računovođe u gospodarstvu prema Kodeksu Etike za profesionalne računovođe. (15 bodova)
- b) Pojasnite pojam "prihvatljive razine prijetnje". (5 bodova)
- c) Navedite kako će profesionalni računovođa postupiti ako utvrdi da identificirane prijetnje pridržavanju temeljnih načela nisu na prihvatljivoj razini. (10 bodova)